

bšumaihun d hiia rbia laupa uruaha d hiia ušabiq haTaiia nihiulia lhaza
nišimta dilia . ulab

. u`l`m

. u`l`m hurintia

. u`l zauai

. u`l ahai

. u`l ahai hurinia

. u`l

šitlai

. u`l abahatai

. ulnišmata d abahatan urubanan udahan udahuatan d npaq mn pagraihun
uldqaimia bpagraihun šabiq haTaiia nihiulun sa . ia mana niha
ia mana sdira umsadra ia mana niha nitun minak adiaura alma Imuzania d taqil
`ubadia uagria sa

. bšumaihun d hiia rbia mraurab nhura šania mana ana d hiia rbia mana ana d hiia
rurbia mana ana d hiia rbia bgu tibil man ašarian man ašarian bgu tibil ub`uSTun
pagria man rman manu rman b`uSTun pagria d `dia uligria litlh litlia `dia uligria
ulaiadia sagia bmahu nasgia rmia urapiš uhaila litlia amu qrun mn atrai uatiun
b`uSTuna rmun ligrai ligra d ziua sagia d `uSTuna d h` pumai puma dakia d l`uSTuna
hua ainai d `tgallal mn atra d nhura d l`uSTuna hua `uSrai d šribh hiia haka
baTpia ašduia ligrai bhiria naSbia nSabunin bdirka d `uSTuna h` dirka d `uSTuna
d lašabiqhia šuba ldirka kma šuma mn šuba ukma sbal ukma `ianhh l`uSrai kma
šumh mn šuba utrisar razia ukma `nhar ukma tihuia šuth d ab niha d šaria bainia
haškia kd haza amar mana qalh sliq latar nhur manda d hiia šuma lqalai šadria
lparuanqa `lai `zil paruanqa `lai `zil paruanqai dakia `tahzilh lmana uninhar `lh
mitahzilh lmana d mašiTilh audia qam bziua kasia paruanqa d ata `lh qam bziua
u`tahzilh lmana br rurbia Srak uašumia bqalh utraSlh libh lsamkh nhar uanhar
mana `tit `lak ulašibqak kd qalak sliq latar nhur ldilak niSbun ušadrin `lak
qum puq minh mana mn `uSTuna d rbitbh mn `uSTuna d rbit bgauh d `dia uligria litlia
qum saq latrak qadmaia uldaurak Taba d `utria dar binia `utria ahak kd
d malpit tib udaura bit anašatak uluTia lhazin alma d zipa d huitbh ziuak ninTar `lak
ubanhurak kasia titriS nitia ziuak mn aqamak unitqaiam nhurak mn abatrak
kursiak triS kd triS ušuba d laTabia nihun uhiia zak`in
sa . mana ana d hiia rbia mana ana d hiia rurbia mana
ana d hiia rbia brazia urimzia man rman man rman brazia urimzia ubhasir
ubSir man ašdan man ašdan bhasiruta ubSiruta udmu piria man hauian man ašdan
barqa d pisusta d ligal hauia kulhun Turia d `tbh mitpasasia mipasasia kulhun
gabaria ramia d `tbh hailaun ututbaiun mipasqit `l d qaiim mana umithašib
umaTia gabra d adiura umaTia adiauria rba d hu zadia uhu zaudia anat baita
d dairit bgauh limalak mšaiilit `lh anat la`dit mana d haizin hauia kd d amart
anin bkisia midinin d ligal minh napqit ligal napqit minh uluatan dilan salqit
salqit luatan dilan ubškintan dilan iatbit kd haizan amarlh naSbh lmana
`htim u`stmik `htim u`strik mana lamšaiilbun baudia baudia lamšaiilbun d bnun
baita napla sqal qalia udar bgauh ubligal pra latrh mTa bligal mTa latrh
dukta d mana `tinSib dukta d `tinSib mana udmuth bgauh nihrat mana udmuth bgauh
nihrat mana bliba hadia umitaprašbh b`uSTuna kma šanai d amartulia ab ušanin
d rbia paqdu `zil `zil šibiahia `zil mana bataikun hun `zil hun mna baitaikun
ubataikun nihiua bmnataikun ana bšarša d ab saliqna ubaita bdilkun mištbq
umšabin hiia sa . mana ana d hiia rbia mana ana d hiia
rurbia mana ana d hiia rbia man rman bqiras almia bqiras almia man rman man rman
bhšuka bišia man šiknan man šiknan bhšuka bišia man hauian nura d iaqda man hauian

nura uman rman bmia tahmia d minaihun mitgiblia umithamblia minaihun
mithamblia umitgiblia minaihun mitma tahmia kpar makarna utahmia dmutai kd dmutun
kpar tahmia dmutai ušutai mn abahatai auda 'l d qaiim umitapraš mana maTia gabra
naSbia lau mna qirsa anat d tirnia ulau mna hšuka anat d nigamrak lau mna nura
anat d tihzia nura d iaqda lau mna tihua anat d tahmia dmutak akuat mnata anat d tuqna
d litbh durdia mnata anat d arqa d nhura d litbh hšuka d nigamrak mitar `tar mana udmuth
d napšak tianharak 'uSrak nisimkak mismik ulibak niuilak bahid 'da uardikla sbal
balma udarbh alma d baiinalak anin kd anin baiinalak nimTia lhaka unitia `lak
nimTia lhaka u`lak nitia unapiq unasqak lbit ginzak kd abu simkia lmana malil
udariš drašia šaniia malil udrašia šaniia dariš umitiahar 'uSr^h 'l d audia alma
ladarišna kd hailh d ab misimkan mn riš briš aTar sibli^t udaribh aTar darit
b`ubadia `dai aTar udaribh alma d minianai šlim kd šlim minianai adkar `uSrai bit
anašath dkarth ltana qadmaia d kulhun `utria minh `tinSib ada `lai naSbai rba
gabra d simkan mn riš briš gabra d hailh dar minai uanh^h balma ligTan biaminh
uasqan lbit ginzih ksan kd hzaith lbit ginzai `nšaitinun ldaria baTlia
'štaiiba bšuta unihrat `tgadalia qarnai brišai bbiriktai brikia hiia rbia
uhiia zakin sa

. mana ana d hiia rbia mana ana d hiia rurbia mana ana d hiia rbia mn bit ginzai
man apqan man apqan mn bit ginzai ubit arbiaha man rman man arman bit
arbiaha d bišia 'lai ragzia 'lai ragzia bišia ukul ium 'lai lbiš mithašbia
mithašbia 'lai bhašabta uamria d nagzar luatan nišibqia nagzar nišibqia luatan
umn kana d napšia nikatria nikatria mn kana d napšia ubmnatan dilan nihuia rania
uamar mana kbar magzirilh mn kana d ab 'l d qaiim mithašib mana maTia gabra naSbh
maTia naSbh rba d hu lhaka atia mana latirnia ulatikaua ulatikrilak 'l audia
lamSin audia bahitia lagzuria aluataihun lmišibqak lamSaiin lmišibqak luataiun
ukatrak mn kana d abuk anat haila d abuk minak ušuta d `utria `lak kd haza šuma mana
larna bbišuta baTla lmašabatun d audia rnaba bqala rama ushidbh bnibTa taqna
rnaba btušbihta šania umnakria ata 'lh naSbh rba uapqh mn alma qum mana ata minai
asgia minai latrak lbuših llbušak kasia d hbala urugza litbh litbh hbala
urugza ulabšilh `utria urauzia ginza d `hablh qabluia hiia paruanqa d ata `lh mizka
zka mana utirSuia hiia uqaimuia šlihia batria uhiia zakin sa

. mana ana d hiia rbia mana ana d hiia rurbia mana ana d hiia rbia br ziuā napša
br 'qara taqna alma ašlun mn ziuai uaitun balbuš pagria rmun rmun balbuš pagria
d hu lbuš hu šla akSat ukbaralia balbuš pagria d atiuⁿ rmun kma šla ukma lbuš
'kamar tigar lmištria ulahazina hiia bškinatun 'l d qaiim umitapraš mana umaTia
gabra naSbh anat midar dar minh blibak nišria 'lak anin blibak anin nišria
'lak umasqinalak bškintak šania qala šauinin u`haSbinin lihria kd haSbia kilak
nihuia lmindam ualma kulh `TarTlh anat hu d `tlh haka `ligTak minh u`iasqak
`ligTak u`iasqak minh u`šamar kulhun šbuq šbuq kulhun nimitun unaudun anat
dmutai dilia 'iasiq u`niTrak balbušia balbuš d `hablia rbia ubriha dakia
d apqadlia hazin lbuša d huitibh 'hibTia briša d qiriia aminTul d mitkil ubaTlia
gubria d `bduia audia gubria d paqadta d lmana hu hualh adiaura hu hanh hu hanania
ušaria mn birikth `lh `lh šaria mn birikth ubškinta d abath qaimia uhiia zakin
lkulhun `ubadia sa

. mana ana d hiia rbia mana ana d hiia rurbia mana ana d hiia rbia mqaiimna
bTabuta d ab bTabuta d ab mqaiimna ubaiarna bziua d aprišun 'lh akandit lahdibh
bTabuta d ab ulasbarta lziua d aprišun 'lh `mat d qrun ltibil u`mat šamar mn
atrai umn duktai šamar apqun mn duktai umrandidilia mn bit abu unitamhia
unitilgiT gbal pagria bhašabta qiriia lalma nitimhun unitlaTaTun šibiahia d briš
qrita dilh hun `puq mn atutia `daihun u`zil u`siba lTabuta d ab u`siba lTabuta
lziua d aprišun 'lh hdabh bkula ginza u`gamarbh bkula hukumta 'l d qaiim
umitapraš mana maTia gabra naSbh maTia naSbh rba `u baiit d tisiba lTabuta
d abuk utisiba lziua d aprišu 'lh `u baiit d tisiba utihdiba bkulh ginzak utigamarba

bkula hukumtak `u baiit d tisadar sbal udarbia balma sbal balma udarbh alma
d kilak šalimlak alma d šalimlak kilak umitgamarlun miniana d `hablak ana `titlak
bziua napša ubanhura d saka litlia aTar siblit udaribia alma d kilai šlim šlim
kilai u`tgamar minianai asgia uata `lai naSbai apqan minaihun asiq tirSan
bit tušlima sbarta lTabuta d ab usbarta lziua d aprišun `lh ginza d apta hdabh
u`tgamarbh bhukumh uhiia zakin sa

. mana ana d hiia rbia mana ana d hiia rurbia mana ana d hiia rbia bkariuta
d mlakia manu rman manu rman bkariuta d mlakia d hinun sn`iin urihaiun zapur
udmutaiun saina ulakašra misna saina dmutaiun ubinataiun manu rman hazin `qria
`rbia binataiun ulakašrilh dmutaiun hazin `libših llbušaihun u`darbh
bmdurtun `l d qaiim umitapraš mana ata `lh naSbih naSbh ata `lh ašma qalh taqna
ašumh uamarlh malala rauza sn`ia rihaiun d mlakia mn rihaiun lamitnaTar `lak `lh
lakašra dmutaiun anat mahu mšailatbun anat qalan dilan šmilak štamialak šutan
labaTla amarnalak mamlalak rauzia anat sbul udar bgauh d baita d kariuta
mkairia mlakia d hšuka d napšaihun kairinun anat hzia dilan u`dakia uainak
latrak truS ainak truS latrak dilak anin anin aluatak dilak udmatak bdilak nahra kd
haizin amarlh lmana baiia buta utušbihta taqna baiia pugadamia d mqaimia ana
naSbai šuma usbul u`darbh balma sbul balma udarbh alma d hinilia lnaSbai
lnaSbai hinialh unasgia unitia `lai nasgia `lai unitia umn kariuta d mlakia
napqan napqin mn kariuta d mlakia d dmutaiun saina ulakašra bligal ata
naSbai banan uaprišan uapqan mn pagrai udibran minh biluatia lginza d azal
aulh dukta d mqaiam qaimin ulaiiplia bhušbana d napših hašiblia mištaiin hiia
zakin uzakia gabda d asgia lka sa

. mana ana d hiia rbia mana ana d hiia rurbia mana ana d hiia rbia d asgit lmitia
balma asgit balma lmitia ulaiadia daiaria kulhun ulaiadia kulhun daiaria
ulamasbarbia kulhun almia aTar la`dun daria alma d b`uSTuna rmun alma d rmun
b`uSTuna uadam lligria qam adam qam lligria kd d šinta kabrat `lh kd qam `l ligria
laTia lgabra naSbia laTia lgabal pagria d `ubadia b`dia la`tqun `mitqun `ubadia
alma ladam qrh alma d qrh ladam alma d kd dmuth alma mimilh `šata haita kd abuia
ldilia mla qra ulataqin alma d `uSTuna d zipa qra qiriata d zipa u`l španza
baTla `l randidun mn duktai mn abinia ahai apqun apqun mn abinia ahai Tabia
umn abinia zrizia umzarzia l`mat `puq minia u`pish u`hamblia `puq mn `ubadia
`sikia lhurba marda ana latrai `saq šibiahia niplun ulaniqmun `l d qaiim mana
umitapraš maTia atalh naSbia uadiauria d napših ušuth kabiria Tabia d minh la`in
qum mana šubqh lhazin alma hargta d kratalak marauata d napša niqabluia šinta
d `tirat titkamar utikbar `lauaihun qum lbuših lziua napša ukasih lnhura
iaqra `usria lhimianak ainia ptihata d kulh ainia mn riš briš hu mana sliq
minaihun šibiahia malia nagdia kul ium nagdia malia ukul ium gibia aklia `lai
šakbia lburia ubišia badmu `siria iatbia mana sliq lbit hiia biblia umalia
larna larna biblia umalia ulaiit minh hargtun mn hargtun laiit ulaniqabil
mn dilhun hu manh bkasia qaimun ldmu hiia rbia asmikuia umšabin hiia rbia
sa

. mana ana d hiia rbia mana ana d hiia rurbia mana ana d hiia rbia
d mitaprašbh b`uSria alma šnat dmutai l' d baiia d naulun lmahu atra kandia
baiia taqnia baiia alan mn bauatun d hinun baiia bit tušlima baiia miširian
`uSra dakia d nhura uašruian balbuša zapra ana kd hazinalh lhanath lbuša man
nitia unadian man qaria nihuilia uman nihuilia naSba šania man nitib luat
unihanpan d la`nišia d mpaqdana mn ka mn atrai d qaiim umithašab mana ašar
uligTia naSbh ašar naSbh uligTia hu hualh qaria ziuak d hiia npiš ukabir alma
d `uSba d nhura qariatlh minSab ziua umipsaq nhura umn lbuših mhaSbia umbaSria
Tabia kd akandh d sana lahzun kd akandh lahzun saina d lmahu hasria ubaSria mana
bpumh dakia amarlh lnaSbia d ašqh ana mibSar biSrit hašta asmiktan unhura Tpa
hašta asmiktan uTpa nhura uhaila ušrara bnpiš hua bhailh d naSbai rba ubhailh

d gabra d ašran ašran uligTan biaminh mn dilia šaria 'lai bdrabšia 'lai unihrit
udarit bgu pagra zapra uladnit d hunub šaiia uhunub šušia u'tpalag sigia
lalma 'tpalag kukbia šuba husrana 'lauaihun kbar ata 'lai naSbai rba upagria
d muta ašlan ašlan pagra d muta ulabšan ziua d drabših aprišlia lmasiqta d hinun amar
batar atar uhu unaSbh rba bhda škinta nahria bhda nahria škinta ubtušbihtaihun
hauia hda hda zakuta nSablun upalgia mnata mn Tabuta bhda škinta bainia kma
d bainia mitaprišia umšabin hiia sa

. mana ana d hiia rbia mana ana d hiia rurbia mana ana d hiia rbia
d mitaprašna b'ruth d abuia minak ab mitaprašna anat huitlh naSba anat naSba
huitlh amarlia lilia mšadratlh malil ab qadmaia d nimarlia lmana d rurbia anat
latrak hak mšadrinalak d 'utria bnia šlama qruia 'u lgauh mšadratlia amralia man
mn 'utria qrh amarlia man qarih mn 'utria d 'tbh bišuta 'siblia kd d šdabia ab
qadmaia man nhitlh lalma man lalma nhitlh uata bgu bišuta npal ata npal bgu
bišuta utinihta qabilta nagid umatana mana d psiq minh mn dukth lanTarlh ab niha
ulasbarlh hda hda uaprišan 'lh lalma hašta d nhit u'titlh kulhun bišuta hun kma
šuma minh kma 'sbul mn aqth akSat ukratalia d lašman mn malalia d ab lašman ab
mn malalia ulamilkan milka d mhaimnia 'u hinialh lab niha nišadarlia gabra
adiaura adiaura mšadarlia adiaura qadmaia d kul d amar ništma bškinth anat mida
iadit mana man qarih lalma man lalma qarih u'tamlaklak d tuqna kd hazin šuma mana
'thašab lalma ana bmalalia d ab Taba 'darbh bpagra baTla 'Tab 'huia u'darbh
alma d hinialh lab kd lab hinialh nitia unapqan mn binataikun aminTul d akSat
ukratalia briha d 'srutun akSat uakratalh 'mar ušuma d zipa d tbaikun amritun
ušamitun bzipa abadtun 'ubadia baTlia ana d hiia amrit bismat uhnatalh lab
bismat ulab hnatalh ušadrh ladiaura 'lai 'lai šadria ladiaura d amar
umištma bškintia pihtit ainai banhura 'timlia pihtit pumai ubraktia ulaškabh
hasir ubSir 'u iadit d hisrit mn malalkun šubqun bpagrai lduktai malil adiaurai
qadmaia d nimarlh lmana br rurbia šduq unha mana br rurbia šduq unha mana mibSar
labSart umiTpa Tpit 'u Tpit ulabaSrit mahu hazin 'ka d šauiatulia kd haizin
šuma minh hazin mn pagria npaq apqia mn pagria udraš uanih uparqia utirSia uasqia
uhauh rab tušlima rba uqaimh bziua iaqra mištaiin hiia zakin uzakia gabra
d asgia lka sa

. mana ana d hiia rbia mana ana d hiia rurbia mana ana d hiia rbia balbuš pagria
man ašran kma d darit bgauh lahuabia hasir ubSir lahisrit ulabiSrit ula
asibth muma lnapšai muma lnapšai la asibth lašauit laqamai tiqlata lahuabia
'urbana ulapakth lšutai mn šuth d ab bhailh d ab nahirna ubgabra balbuš
pagria ašarian ašarian balbuš pagria siblit udaribia ulašauialia buSrana lab
ulanimar 'nšia lmana d paqdua ubSar mana mn atrh bhailh ubmalalh d mana baiia
umaška mn abuia šmaT uapqan mn alma apqan ulašibqan ulahuabia hasir ubSir 'da
mida ab niha ulahuabh hasir ubSir 'u hinialak 'tia 'tahzia ldmatak ab šliha
šadarlia ušihlan minh mn alma šihlan mn haiabia umn zipania kulhun mn kulhlun
d mlin bhirba uhuTpa ukadba mištaiin asqan lbit hiia uqaiaman abinia pasimkia
mšabilia umdalilia hda hda briket umšabit mana d auqirth unTirth l'qarh d abuk
napšak paqdit minaihun u'tit aluatan u'triSit 'tit u'triSit luatan u'štaiit
bšutan akuat d huit umšabin hiia sa

. mana ana d hiia rbia mana ana d hiia rurbia mana ana d hiia rbia asgun ltibil
atiun asgun atiun ltibil baita d šaqaria biniuia baita biniuia šaqaria ukadabia
dairibh lahua iada d nidan ulahua sabra d masbirlin lahua gabra zadiqa d damia
šuth kd 'utria ana hazin 'daribh bbaita d šaqaria biniuia daribh kadabia d rgita
mlin 'u hinialak mlik rbia truSlia kudka kudka truSlia lqudamia d kudka miSra
qudamia d miSra rba šauilh gabra qaria gabra qaria šauilia 'u šakibna
n'iatran 'u makšilna niatran 'u mhita mahilia šuba hu niasian unidalian 'l
d qaiim umitapraš mana maTia atalh naSbia maTia naSbia atalia rba asgia traSlh
kudka asgia kudka traSlia uqudamia d kudka miSra 'u hu naSba hualia hu hualh

qaria ‘u šakib atria buth ‘u akšil tušbihth atarth ‘u mihiuia šuba uhailia
d kisia hauilia asia hu asia hauilh hu dalia uhu tirSia uhu makik `uhra mkikta `u
hauia utraSlia dirka ušbila d saliq latrh ata ata mana ata bšbilak saq ata saq
bšbilak ata bdirka d hiia qum ata qum bdirkak d hiia d ana huilak naSba mn
alma d hšuka apiqtak aqmit traSth lkursiak aqtit lkursiak d traSth d sbalt
ridka balma akuat didpa d sbalt kul d hTit nišbuqlak tub maria ruaha šania maria
šania ruaha iatib umtaqin ‘utria umšabin hiia rbia sa
. mana ana d hiia rbia mana ana d hiia rurbia mana ana d hiia rbia man lhaka atian
man atian lhaka binia haškia mardia mahu l’dmia libai u’siblia ldidpa
d alma hazin `dar mn ariauata umn taninia aklia haizin `dar mn bnia d bišia d kul
ium bišuta šabqia kul ium šabqia bišuta ukul ium dahalta šabqia kul ium šabqia
dahalta uamria lman nidahlh `la mdahilnalh haizin aluatan mištpil haizin
mištpil aluatan uanin ‘lauh anin `lh mazihnalh haizin mSia midar b`ubadia `dan
mana bpumh dakia lšibiahia d nimarlun bhailh d ab mara d ziuihta dilkun lamaTia `la
bhailaihun d pugdamia d ab mn dahaltaikun litbia bhailh d naSbai rba `huia `lauaikun
ana Tabna minaikun ušania šutai mn dilkun šanin pugdamia d atun mn ginzih d ab
kulhun nagdia nagda uaqapra brišaihun rmun rmun aqapra brišaihun ukitunun d šihaihun
Srun ‘hamam bhimtaihun bbišuta lnapšaihun ragzia anin haizin amarnin d nikipria
lmana binatan kd haizin amar šibiahia qala mn bit hiia rbia ata qala ata mn bit
hiia rbia qralh lmana uairh qralh uairh lmana u`dalih `lauaihun qam `dalia
uqam ‘lauaihun ubakasuta umakislun ‘kapar u’tiglun mn qudamai bišia psiqia uaudia
labnhura mitamnia bhšuka ulamithiblun šrara lhaTia ‘u šrara lhaTia
mithablun ridpa lkimSa lahualh lahualh ridpa lkimSa haka la‘štbiq laslun ulansib
minh ulapluglia bmna mna mana bmzarzuth ainh latrh sakia šqal ata naSbai
udauran ugaiid šauilak adiaura akasinun lmlakia ‘la mdauratlh bmalalia audia mida
`da rbia mida `da rurbia mida `da rbia d šapir anpiš mana sbal anpiš sbal mana
uauar maTia adiaurh uparqia unaSbia ‘tparakbia uasquia ašar bnpiš sbal akuat
d hu haka sbal ata ata mana lbit rbia naulak niaulak lbit rbia qum u‘štaiilun
lrurbia qum lrbia ‘štaiilun mindam d šuba abadlak d bun nipsaqunak luataihun
lmihuaia `lauak hin azal mana mn `utr qudam rurbia azal qam qudam rurbia
u‘štaiilun d šuba abadlia lau miditun rbia lau miditun rurbia lau miditun rbia
d akasta lšuba ‘hbit bhailaikun akastinun ušuba latutai ‘štupil šuba ‘štupil
latutai uana `lauaihun huit ana huit `lauaihun udauar maTian naSbai naSbai
miTian ugaiid miTian paruanqan gaiid ata paruanqai u’tahzilh adiarai naSbai
paruanqai ‘tkarakbia uatit ‘luataikun u‘štaiilkun d šuba abadlia barpilia rbia
umnaTralia rurbia kma mSaiit usiblit alma d paqadtak huat alma d huat paqadtak
utparaqt mn `daihun d maksia rbia d hiziuia urahmuia u`utria d nhura auquuia umšabin
hiia sa
. mana ana d hiia rbia mana ana d hiia rurbia mana ana d hiia rbia d šamar mn bit
hiia ušadruia lhazin alma lhazin alma šadruia d mitia umidar bgauh d hurba
harba mitia uminaTria lhurba adiq šibiahia hiziuia adiq hiziuia šibiahia
d hinun `pikia umapkia ptia pumaihun dimin lsup iama uspihatun damia lakla snia
rihaiun ulakašar kma bišia m qarqilia ana d hzaitinun haqit uziuihta miTian haqit
umiTian ziuihta d lika luatai naSbai naSbai lika luatai ulaiit `dilma mitagzarna
`lh mida `dun rbia d hauqa lmana miTiia qala d naSba rba m qarilh lmana balma amarlh
mahu hzit udhilt adam umahu hauqa uziuihta maTiak mlakia sainia d hzit ana
`tilak d kabšatlan ldaiuia sainia d ahikuk amarlak bmahu mitraglia pumaihun
d lsup damia hšuka d napšaihun nimiTiia spihatun d damia lakla u`sura rba nitia
`lauaihun qala d mana niha d m qarilh lnaSbia amarlh `u hua turSa lmahu ptahil mn
dukth hua lmahu hua ptahil mn dukth amu zra zira biša ušauia lišania d lakašria
qala d naSbia rba amarlh lmana balma nha ušduq adam unihuta d Tabia tiqablak hzia
`dalma kd kSalak ukabralak hzia `dilma lptahil laiTatlh latiliTa lptahil `utra
`utra d mn binan praš `utra d praš mn binataian ušauia lišania d lakašria brh

d hu d abatur d abahath lamagziria `lh bhšuka kd alma hazin baTil urqiha d mlakia
mitikrik mitikrik rqiha d mlakia ušamiš usira baTlia baTlia šamiš usira utuqna
minaihun minaihun mitinsib mitinsib minaihun ziua utuqna umizdahribh naTria
ulahauilun aSmat lkulhun kukbia kd halin ‘bidata baTlan ptahil lbušia mitriS
ptahil mitriS lbušia haka biardna Sabilh haka Sabilh biardna ukul ridpa d sbal
manšilh uhaizak ptahil uanat mana bhda škinta iatbit uiaqdit uhaizak malka dilak
mana mitiqria mimar amar naSbh umana smak `lh kd sbal ridpa ubišuta milaT lalaTh
lptahil hinila haTaiia uhaubia šabiqليا uamar huzian naSba huzian dauar
maTian uparqan uhauian `uhra d ahai kulhun azlibh naSbh d šumh lqalh mn piria d ziua
ana ligTia bpras iaminh ulmaTarata adih adih lmaTarata u`lauia muzania ahliph
`lauia d muzania uluat bnia šlama hapiqia mia abrh abrh hapqia mia ulihda lbit
hiia sliq hiia d hiziuia rahmuia kananuia uautbuia ldukh umšabin hiia
sa

mana ana d hiia rbia mana ana d hiia rurbia mana ana d hiia rbia qam lbit šuba
azal qam azal lbit šuba mardia d hšuka baTlia baTlia mardia d hšuka mihšak ulika
nhura binataihun ‘u bit mšadratlia amarlia l‘bidata abdia abdia ‘bidata Surik
hiia litbun ‘mia šapiria Surik hiia ‘tbaihun ‘mia šapiria mšadrinalkun
binataun ‘l akuat mšadrinalkun d ‘bidatak dilak nišiprun `zil pilbh b`uSTuna
uadingia Tamia nihun ‘u mana lašana mindam d amarlh rurbia npaq mn binataihun
uasgia lbit šibiahia ata asgia ata lbit šibiahia hzinun ‘ubdatun lakašra
lakašra ‘bidatun Surik hiia litbun ata npalbh b`uSTuna hu tqun mn kulhun pta
pumaihun kulhun l`uhraihun `tib `tib kulhun l`uhraihun ulaiadia liTia mahu
d nimarulh mana lpumh pihta u`l liTia tahmia d nimarlun ia liTia tahmia m`
`tlaikun mana akuat dilia m` tlaikun dmuta akuat dmutai `mia Tabutun `mia
kašra dmutkun ‘mia huabkun Srik hiia huabkun mana akuat dilkun šuba kbaš
rišaihun umn hdadia mdandmia hab niliTh lmana unikpar blihan lašidia
niharziqh basilitan ubabaran hšukan naškubia mana upumh pihth ‘l šibiahia
d nimarlun ‘bidlaikun šibiahia d `daikun lanapla `lai lanpilbun blihaikun
ubsilitkun la`lgiT lanibilan hšukaikun uabarkun lanišikban kulaikun kma
hauitun u`zlaikun ulahaikun titpikrun ana lhiia tirSit balai u`uSrai mismik
lhailh u`ruta d alun rbia mn duktaihun kd Saumaikun saina uSautai dilia šania
ana zkit d paqdu rbia uzakina d salqia mn riš briš anatun msaibia ubahtia
šarša uzakuta minalkun d tizkuba ana latrai saliqna anatun hauitun d nahtia
ulasalqia mana lbaš hiuara u`dalia u`tib lramta iatib mana uqarilh lgabra
naSbia ata naSbai rba asqun lamSu d nakrunak bdaura pilTit mn alahun mn
abarun d naškubun anat amartlia uašrit dauar miTian uasqan naSbh `timlik bhiia
latuiih ziua taqna ziua ‘hbulia ‘zil mana ‘ialbših lmana u`iasqia aluataikun
`iatih `iatih luataikun uhdubh aminTul d mn lihun pliT aminTul d pliT mn lihun
ubabarun laškib sqiria uhadia mana d npiS hiuara lbiš npiš lbiš hiuara u`dalia
u`tib lramta lramta iatib mana malil uqarilia l‘ uamarlia ana ašrit usiblit anat
dauar miTian uasqan qum `zil uatih lmana atih luatan nitriS qum atih unitriS
btušbihtan ubinatan nihdibh unirihman unibirkak btušbihtan lak hiia ‘timlun bhiia
uaška mana d bh umšabin hiia sa

. mana ana d hiia rbia mana ana d hiia rurbia mana ana d hiia rbia d iatib bginza
taqna bginza taqna iatib umištaiia bšuta d `utria mištaiia btušbihta rurbia
amrilh bmalala d had had šania mn habria d qaiim umitapraš mana biuia uasquia rurbia
amrilh ata d nimarlak mana uasgia aluatan niasbrak ana asgit lqudamaikun
mindam d baiitun amar amarlh alma qria bihrara qum hut lgauh `zil `u anat
lanahtatlh man hauia naSbia uman nirmibh ziua man ziua nirmibh
ulanišibqan lšurbth d lanipsiq ziqpat ‘šata ‘kalta u`l ‘šata aprata ‘qum lalma
`hutlh mahu d mpaqditulia b`bdata anat qum lalma hutlh u`zil bgu pagra `rbia
‘zil `rbia bgu pagra balbuša hanath d mpaqadlak `zil `rbia razia razia urimzia
bdilak ninihrun razia ninihrun bdilak unihuilak šrara lšurbtak tisaq latrak

unihuila k`la lalma lalma kila huilh lalma utrin pasimkia ninaTrunh ninaTrunh
trin pasimkia unihuia ziua mn riš briš bziuak ninTar baita ubdilak nitriS
alma ninaTrak naTria dakiia unitgadal širšak unisaq Iriš nisaq Iriš zakuta d anin
paliginin batran mana lašania mindam paqduia al bgu pagra bhanathh Ibuša d paqadlh
udarbhh b`uSTuna urazia bgauh ninhar sgid qudam rbia udnia qudam rurbia sgid
qudam rbia uTabutak uTabutai niqablun niligTun Tabutak d lahua kadba binia l`
ulak umšabin hiia sa

. mana ana d hiia rbia mana ana d hiia rurbia mana ana d hiia rbia d aqara unikla
litbia litbia aqara unikla ulitbhh šuta d huTpia lakiSrit ularimzit ubinia haiabia
haiaba lahuit ana mahu lhiia hTitulun lrbia d hatam iatbia mahu lkisiia
hTitulun d bšibia ušamarta šdun bšibia d šibiun daria ubhiTpa d hiTpun almia
`lhh šihlun midar balbušaikun bhiTpa d daria hTip anin lamarnin d anat mana
bšibia d dara tištbia bšibia d dara ulanihTipunak bhiTpa almia hinila anin
hinialak d tišar utisbul ulatištbia šumia lqaranalak `lhh nihuila ruhSana
bruhSana dilak tisaq minan latrak anat abatran dilan titriS uanin ldilak
nibarkak mn qbal anatun rbia amartulia kul ium nitilia qala kul ium niqrilh
qala d amarlh ulamakšilna `u qaritulia lašabilia bišia almia almia lašbunan
bišia ubhiTpa d daria la`hTup lrbia bismat d amartlun kul ium qala hails umimra nSab
ušadarlia qala hails umimra d mšadritulia rbia maiarlia libai ulamitakšalna
kma d šuma qala d hiia ulašania d paqduia rurbia aTar darit aTar siblit alma d rbia
bun kd bun rbia ninaTrunan bginzaiun unimarulia ata mana d aprišt usbalt mn
alma anin nismak `lak haTaiak haubak nišbuqlak nišbuqlak haTaiak uhaubak
d šumitinan usbalt mn alma uhiia zakin sa

mana ana d hiia rbia mana ana d hiia rurbia mana ana d hiia rbia mn bit hiia man
atian mn atian mn bit hiia umn šadar btibil ašran man ašran bgu tibil ubit
bildbabai man autban man autban bit bildbabai d ganzibrai laiadin `lai laiadin
`lai ganzibrai d bit baldbabai autbun masgia uatia `utra alma l`uSTun pagria
mTa mTa `uSTun pagria ladam kasia d amarlh ia adam kasia mn bit hiia man atiak
man atiak mn bit hiia uman šadar ltibil ašriak man šadar ašriak bgu tibil ubit
bildbabak man autbak man autbak bit bildbabak d ganzibrak laiadia `lak laiadia
`lak ganzibrak d bildbabak autbak `u`da `lak rbia `u`da `lak rurbia `u
`da `lak rbia mn binataihun apquk laparquk laparquk mn binataihun ubhaza
tibil laširiuk laširiuk bhaza tibil ubit baldbabak lautbuk malil adam kasia
d nimarlh lgabra d šaiilh ab mida iadia `lai rbia mida iadia `lai rurbia mida
iadia `lai rbia `l alma d `titlh laška d nibaTlia kd haza šuma minhh hdabhh mn riš briš
hu atia lhaka uhu hualh lhil paruanqa ašlh ualbušia lbušihh udibrh uasiq tirSia
bit rurbia lagTia biaminh ulganzibra d napšia šalmh hadibh ganzibra hinun
hulh naTra hinun naTra hulh uaiil bit ginzaiun kasiuia uhiia zakin
sa

. mana ana d hiia rbia mana ana d hiia rurbia mana ana d hiia rbia mn
ginzaihun `ka `lai bšuthh d ab nahirna ubtušbihthh d gabra naSbai `mat huat `lai mn
ginzaihun bun `mat bun mn ginzaihun ušadrin lhazin alma mitiai mn bit ginzaihun
adiqit hzaithh lalma adiqit lalma uhzaithh hu snia udmuthh lakašra khibun
u`TarTiltinun uašiTitinun lgubria d ubduia amarnalun haizin `šbuq razia nihia
u`Ibuš brazia mardia haizin `šbuq tušbihta d abahatai u`palbhh bandašata
d Ibuša baTlia haizin `šbuq šrara d kabiria u`dar b`uSTuna napla d qaiim
umitapraš mana mTa gabra adiauria maTia adiauria rama d hu aulh bhda ziua rba
amarlh anat Ibuš Ibušak d ziua d napšak mqaimit latinšia d paqduk rbia haiaba
luataihun latitiqria `ul u`durbhh bhazin `uSTuna d `tit minh tihuia šurubta
`tita šurubta d tihuia nitqaimun adam lpumh pihthh d nimarla ldiaurh mahu hails
iahbitulia bnpiš d haizin Ibuša `libšihh mahu simaka samkitulh btibil d `durbhh
bbaita napla amrilh hailak hails d rbia u`rutak nSiba mn dukthh gubria
d qiriuia lIbušak pahlilak alma d napqit `tit udaribhh ulašanit d paqduk adiauria mšit

`dai ulhiia sigdit uasgit `titlh lalma šrun umbarkilh bišia psiqia uaudia
`khibun uTarTiltinun uašiTitinun lhda hda amarnalun man d brik bbirikta
d kabiria limalia bbirikta d audia kd haizin šuma minai napšaihun bhaiabia lgaT
napšaihun lgaT bhaiabia ukulhun bandašata npal kulhun npal bandašata `lai dilia
adam mithašbia lbiš uamria hab nibdulh uhab niklh d akuatan nišauia nišauia
akuatan dilan aminTul d saliq minaian hu adam dariš drašia umitaprašbh b`uSria
uamar mahu tibdulh bahtia kd ana ainai latrai sakia ainai sakia latrai ubaiarna
btušbihth d naSbh kma d aitan binataikun bandašatkun mahu timrun `lai ligal maTia
`lai `utra sagia maTia gabra adiaura amar qum qum adam qum manai ulanipsuqnak
brazia audia lanišbiquanak razia d `šata `kilta d h` iaqda umhababa qum lbuš
lbušia d `šata haita l`dmu `qara damia qum saq lbit ginzak d btiqlatun uhaubun
latitqal qam adam sliq lbit hiia ušbaqinun lrazia d hazin alma adam lrbia amarlun
lbar mn binataikun huit minaikun `tparqit usilqit brik gabra d parqan uasqan
brikutun anatun hiia d šadartulia hazin adiaura anat šapir sliqt d atia abatrak
šapir nisaq mibSar bSar dara uridpa bnpiš mitbir `lun anat šapir sliqt adam d mSia
abatrak nisaq mištaiin hiia zakin uzakia manda d hiia uadiaurh
sa

. mana ana d hiia rbia mana ana d hiia rurbia mana ana d hiia rbia binia munqia
kasiia huit huit binia munqia kasiia d šanin ubrikia umqaimia d mitibrik
bbiriktaihun lauid udšama šutaihun lamqabil d baiinba btušbihtaihun
d bsiblia d daria lamitqil mSia uamarlun mana lšuba d ladaiarna binataikun
ulamikšilna bkšaltaikun ulamiština bšibiaikun lalagiTna mn dilkun
lahikmun bhukumtaikun uhrarkun dilkun lamitnaTar `lai laialipna mn
ialpankun sainia ukulhin `bdatkun labidna aminTul d lau dilkun ana siptai
pirTit `lauaikun uašiTtinun l`bidatun kulhin ana minaikun šamarna mn qulalia
d rmaitun balma mn halbaikun umn parqsaikun umn šušlatkun kulhun ana latrai
azilna ušama šutaihun d munqia kasiia šamana d šanin brikia umqaimia baiirna
balbušaihun uhakimna mn hukumtun ialipna d `tlun blibaihun uabidna kul
d abdia uhiia zanin sa

. mana ana d hiia rbia mana ana d hiia rurbia mana ana d hiia rbia d baiarna
btušbihth d naSbai `mat bšibia šibiun ušihlun uatiun lhazin alma šihlun
lalma d haiabia d kulhun psiqia uabdia alma d sainai Sauth ulamanhra munqa lasagia
`tlun labdia ulašaia `tlun lkulhun daria lanihuia ulašdikia ulika laupa
binatun mihšak haška šutaihun udmutaihun mihbar habra mišpal špil binataihun
ukulhun bSadia iatbia ašhar unasbia `kumia kulhun sainia uaklia bnhaša qaimia
kulhun haiabia bišia mlin ana limalia d `rub aluataikun u`mSia mn dilkun
u`psiqbh bbišutkun uštpil latutaikun ana l`malia d hzia lhambalaikun d kul
d hazilh mikšil l`malia d hzinun l`ubadaikun d šuma dakia litbun ana lbit hiia
azilna limalia d `rhum दौरaikun qaimia šibiahia bmaSpuTiata maStipTia uamria kd
minaian pliT adam slaq minaian ligal mitinsib ziuana ligal ziuana mitinsib ukimSan
hauia kd d lahua qam sliq lbit hiia ašig biardna uniTruia ašig uniTruia biardna
uiaminun asim `lh uSibuia bmaSbutun ubmalalun dakia qaimuia mištaiihun
uhiia zakin uzakia gabra d asgia lka sa

. mana ana d hiia rbia mana ana d hiia rurbia mana ana d hiia rbia bit ginza kasia
`huit `huit bit ginza kasia ubinia ganzibria iaqria akandit lahzit ginza d pta
u`damarbh naSbia akandit lahzit ganza ub`rutai la`qrit akandit ginza lahzit
umaTun ušihlun lhazin alma kma šapir d hzit kma snia mindam d hauitun hzit
`ruta bnpiš uaitun hauiun l`mat pluT minh umn hšuka d hauin l`mat pluT minh
u`zil hzia d hzit lhil mimar amar mana qalh lbit hiia sliq qalh sliq lbit hiia
usilqit dnuta lbit rurbia amarlh anat anpiš sbul uligal ginzak tihizi h ligal
tihizi h lginzak d pta u`damarbh abuk anat rnia mn tibil mn haka nirnibak anin anat
b` mn tibil uanin nibia napša ukabira `lak anat mana hzit hiia hzit `dilma d muta
rahmit hzia `dilma rahmit muta ubšuta `pikta sahdit latirihminun lragagth

ulatišibqa lziua taqna latinšinun lkabiria ulatinšia lbit mihzia ulahzit kd
haza šuma mana siphh praT lalmia mašiTilia liurba ulšuba dmauata d šaria 'lh
mašiTlun lšbiahia bmarkabatun kd iatbia mašiTlh lqadišata d kulhin dmauata
sainata kulhun minh' h' ašiT šbabinun ušamar azal latrh ukulhun naTra btiham`tib
uamar hzia d paqdun hzia lginza d rurbia`zil hzia`ruta d pta u`damarbh ab
bligal ata paruanqa dakia d ligTan mn haka uparqan ligTan uparqan mn haka uasiq
lbit ginzia uamar ata mana ata`ruta`hzia ata`hzia`ruta d bit mihizia
ulahzit šapir sbalt mana šapir`tparaqt usliqt mana b`ruth hadia umbariklun
lrurbia uamarlun ana misilqit`marlkun`l d hauia mn`šatkun haita kd
kimSaikun mištbiq bdin almia mn giTuptaikun dilkun biad šibiahia naplia amart
uqaiimt mana azal lkursiak`tib anin mida iadinin d mn tiniana haizin napqa
umšabin hiia sa

. mana ana d hiia rbia mana ana d hiia rurbia mana ana d hiia rbia d baiarna bziua
iaqra minSab man niSban šihlan uatian lzipa d hazin alma man šibian bkituna
d kitun pagria d mn kibia umumia lapqa man hauian zipaihun uman šiknan bhrarun
man abran mn haimanuta blišania`pikia man šdan man rimian blišania`pikia
d dmua taqna litbun man rimian binia zidania d kulhun zida ukadba uhrara mlin
`dilma azilna ulahazina atrai atar nhur`dilma manšina nihuta d hiia qrulua
uaprišun kbar razia mhamblia ulahazilia razia d atar nhur qalh d pirqai dakia
qalh d gabra naSbai qalh d pirqai dakia d asbar bqalh uašman Tan`in Tuna dakia
d hazilh almia umištarihizia uamar ana zadtak uzauadtak`u baiit lhaka salqit kd
hinun hazilak anat minaihun kbuš kd ragzia umragzia anat mana bnihuta`timlia
latihum ulatirguz ulatihTia mana ulatisbia muma l`uSTunak kdar b`uSTunak dakia
u`tnapaš b`ruta d`hablak huzia lziuak kasia umn kitun d muma pluT audabun
bmhaimnia triSia kulhun mn qudamak baTlia anat kd haizin abdat lbušak batrh mitriS
lbušak mitriS batrh uanat luatan dilan mitqaimit kd haza šuma mana traS hiia
lbalh amrilh haiman utqaiamabh usaq hzinun lrurbia mištaiin hiia zakin uzakia
gabra d asgia lka sa

. mana ana d hiia rbia mana ana d hiia rurbia mana ana d hiia rbia atiu atiu mn
bit hiia rbia`tit misaq šurbta`tit šurbta misaq umimilh husrana d hua mitiia
d adam mn bit hiia adiq šibiahia hiziua adiq hizuia šibiahia d hinun`pikia
umapkia kd hiziua šibiahia la`da adam mahu`marlkun latrh kd qaiim ahiqinun
haizak hlip uamarlun ia ainia`pikata ladakiata mahu tisqun ia puma biša mahu
timrun`l lišana taqna ia d saipia misap mn`spia d kušTa mahu titaprišun ia
hasiria psiqia mn dmuta nahirna mahu titaprišun ana lau aminTul d ldilkun
atit lhaka hinila hiia šadrin lau aminTul ldilkun atit lhaka d milka mn hiia
lahua ana atit aminTul ltiniana d`bidath laniudan laniudan`bidath aminTul
d iamina dakia hu kd haza šuma minh hinun hulh munqa had nSab mia hurina zidqa nSab
had nSab zidqa utaga gTir lkulhun hda`hablh Sauta ubikilta rabiua uhu
anhirinun ulabaTil hinun munqa hulh uhinun hauqa šbaq`lh zban zban hu mana
baiia b`ruta uhauqa`lh latišbiq ba umšaba adam lhiia rbia d hazin adiauria
šadarlh anat dar binataihun uligal atutia`daihun npaq mn husrana umn abinia
mhašabata sliq hazilh lziua napša umitkarakbia nhura taqna sliq hizih ltušlima
dakia d`lh dilia ata amarlh ata adiaurai niha aminTul d ldilan dairit balma
aminTul ziuak upugdamak hauqa`lh la`štbiq ligTia biaminia ladam uasiq turSia
bškinth dukta d dairia rbia Sauta udmuta taqna triS hinun mbarkilh bpumaihun
dakia hinun šapir amria`lh brikit unaSbak d naSbak uhaizak mana`titilak
umšabin hiia sa

. mana ana d hiia rbia mana ana d hiia rurbia mana ana d hiia rbia mn duktai man
atian man atian mn duktai ubit šibiahia man ašrian man šrian bit šibiahia
d bišia`lai ragzia`lai ragzia bišia kul ium`lai lbiš mithašbia`lai bbišuta
uamria d nagziria unišbqh luatan unišbqh nagziria luatan mn kana d napšia
nikatria nikatria mn kana d napšia umnatan dilan nitiqria rania uamar adam kbar

magziria `lai kbar `lai magziria haka magziria mn kana d ab `la d qaiim umithaşab
adam maTia atalh naSbh maTia naSbh atalh `utra d hu lhaka atih amarlh anat
baita d dairatbh limalik d mşailit `lh anat laiadit adam d haizin hauia kd amart
anin bkisia iadinin d ligal minh napqit uluatan dilan salqit salqit luatan
dilan iatbit kd haizin şuma adam laşaiibun baudia baudia laşaiibun d bnun baita
napla sbal udar bgauh ubligal pra umaTia atra dukta d mina `tinSib dukta d `tinSib
mina udmuth bgauh nihrat adam b`uSria hadia umitapraš b`uSria kma d şanai d ab
amarlia uşanai d rbia aprişun `zil `zil şibiahia mna bataikun hun `zil hun mna
bataikun ubataikun nihuia bmnataikun ana bşarşa d ab saliqna ubaita ldilkun
miştbiq uhiia zakin lrahmia şumaihun lanagzirun sa

. mana ana d hiia rbia mana ana d hiia rurbia mana ana d hiia rbia d haka bgu daria
huit haka huit bgu daria uhibil hualh hibil munqa hualia hu naSbai dakia hua br
ziua napşa uhailh hualia simaka hu simaka hualia uhu qaiman uhu parqan mn alma
parqan mn `daihun umn d abdia şuba kul zban hu `uhra hauian utraSlia dirka latar
nhur uasqan minh ulaşibqan bdaura baTla albşan `uSTla d ziua uapqan rabut mn
alma uhiia zakin sa

. mana ana d hiia rbia mana ana d hiia rurbia mana ana d hiia rbia mn atrai man
atian man atian mn atrai ubinia Turia man şdan man şdan binia Turia ubatra
d muma manu rman manu rman batra d muma umn hiia man abrian man abrian mn hiia
d hinun iatiria ulahasria `l d qaiim umhaşib mana maTia atalh naSbh maTia naSbh
atalh uhauih klila d paqadlh hauih simta dakita d simta unSiba mn duktaiun hin
`tbarit mn hiia halin klilia laplaglak laplaglak halin klilia usimta halin
lanSablak halin `titlak mana d tisbal tidar balma nibaTla `bdata d abuk tiniana
abad kul zban d kabra `lak qalan dilan nitia `lak nitia ulaşania d amarnalak
`utria tlata simkuia lmana uhu mana b`ruth nha hu mana nha b`ruth uakin autbh
l`uSria usbal udarbia balma d hambaguth labaTla ligTuia lmana bkulh hailaiun
uaşarbia btartin `du apquia mn pagria utirSuia batrh baba d nhura ptalia
udirka d şdara hauiua sagia umasgia haila umşaba lgubria d asbrua mşaba
lTarTabunia d hauia `uSTlia d ziua albşua umşaba lnaSbh d dar bhailh balma
miştaiin hiia zakin uzakia gabra d asgia lka sa

. mana ana d hiia rbia mana ana d hiia rurbia mana ana d hiia rbia mn duktai man
atian man atian mn duktai ubit şibiahia man aşrian man aşrian bit şibiahia
ubhasiruta manu rman manu rman batrh d kulh hizdia d kulhun hrara ukadba
mlin man sakakan brazaihun ubşuşlatun man asran man rman bsadun rba udilun
man hauian ubşurun man rman uablun man lgaT `lai man şauian mn maksun umaTaratun
atian kd hzaitinun zahat hauqa miTian zahit umiTian hauqa uamarna d manşina
d paqdun rurbia d qaiim mana umhaşib maTia atalh naSbiht mitia `titlak d tidar
b`ubadia `dak kd aita binataian hzia napşak mhamblit hzia haTit bhaTaiun
utitminiit mn saupun kd anat siTar qaimit minaihun hinun bdilak la`mSan
laniligTunak bsakaktun ulaniqdimunak b`uhra ligal `parqak minaihun umn maTaraiia
baTlia umn şuba d hşuka hinun mnatun d audia nihun Tabu hiia `bdatak brahmut kuşTa
`iasqak `galilak lsam kasia uşuma Taba d huitbh `hauiak tlata dakiata d hinun
şanin umnakria libak ninha d kaiiblak utinişia lridpa d alma mana d mbariklia
lnaSbh rba umqaiimlia kd hazin mhauiatlh limalia d `dar mn audia şalim kilh
umTia zibnia umana latrh sliq sliq mana latrh u`utria nihia alanph npaq `utria
npaq alanph ziua unhuria upasimkia aitun albşua ziua mn hinun labşia
batraihun kasiun TarTabunun d nhura d hinun bduktaihun baba btuşbihtaihun ha
akuat rhamunak uiaqirnak d pariqt napşak usliqt mn alma `tparaqt usliqt
minaihun u`triSt binatun mn riş briş miştaiin hiia zakia uzakia gabra d asgia
lka sa .. mn hazin dukta qria lnişimta d mandaiia ..

sa